



Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Secunda Secundæ Et Tertia Pars Divi Thomæ Complectitvr -
Qvæstiones Insper Ad Mores, & praxim spectantes, maximè circa
Sacramenta, accuratè declarantur

Carleton, Thomas Compton

Leodii, 1664

Sect. II. De indissolubilitate Matrimonii.

urn:nbn:de:hbz:466:1-13826

sensus utriusque obtinet dispensatione, quantumvis alter solum sciat impedimentum; prior enim consensus nullus fuit, utpote circa materiam invalidum: ita Sanchez l. 2. d. 35. Coninck, Bonacina n. 6. & alii. Caietanus ait non necessariò esse manifestandum alteri impedimentum & invaliditatem Matrimonii ab eo qui illud novit, sed sufficere si aliquo modo novum consensum ab eo eliciat, quod exstimo verum, si consensus ejus sit talis, ut velit Matrimonium jam esse validum, casu quo prius tale non fuisset, alioquin manifestandum est impedimentum vel invaliditas Matrimonii.

*Quid si vir
dare nolit
signum con-
sensus.*

*De assis-
tia parochi.*

Quod si in hoc casu vir nolit signum talis consensus dare, & tamen petat debitum, & uxor absque scandalo negare nequeat, Sanchez, Coninck, & alii affirmant sufficere ut ipsa copulam habeat affectu maritali; sic enim videtur consentire, quod etiam videtur vir facere, cum eodem affectu illam habeat. Quod licet cum Bonacina ut probabile admittam ob auctoritatem Doctorum, valde tamen videtur difficile, cum vir hoc faciendo solum videatur ratificare prius matrimonium, non consentire in novum.

In casu tamen impedimenti dirimentibus non requirit nova assistentia parochi & testium, nisi impedimentum esset publicum, vel parocco extra confessionem, aut alicui ex testibus necessariis cognitum.

SECTIO SECUNDA.

De indissolubilitate Matrimonii.

*Matrimo-
nium solum
consumma-
tum est pe-
nitus in-
dissoluble.*

*Potest Pen-
fex dispen-
fare, mo-
dissolvare
Matrimo-
niū ratiū.*

*Multi Pon-
tifices in eo
dispenſarūt.*

I. QUARES primò: An, & quomodo Matrimonium sit indissolubile? Licet Matrimonium ratum sit aliquo modo indissolubile, utpote quod solā contrahentium voluntate solvi nequit instar aliorum contractuum, solum tamen Matrimonium consummatum fidelium est simpliciter indissolubile, non quidem ex natura rei, sed ex Christi divino precepto Matth. cap. 19. Quod Deus coniunxit, homo non separat; ubi illud elevavit in Sacramentum, & ut repräsentaret indissolubilem Christi unionem cum Ecclesiâ per carnem assumptam, ut Patres afferunt. Quare per solam mortem naturalem solvit, sicut ratum per mortem spiritualem, professionem scilicet in religione: ita Sanchez lib. 2. d. 13. Bonac. quest. 2. p. II. Filiucius tract. 10. cap. 2. Layman tract. 10. c. 1. n. 1.

Quares: Utrum possit Pontifex dispensare in Matrimonio rato, ita ut soluto ejus vinculo possint conjuges fideles aliud Matrimonium inire. Negat Scotus & alii plurimi apud Sanch. l. 2. d. 14. Dicendum tamen, Pontificē saltem datā justā causā (ut est discordia gravis orta inter conjuges, ex qua timeantur infelices exitus sine spe remedii, item graves inimicitia inter amicos & confanguineos conjugum cum periculo scandali, lepra alteri superveniens, impotentia etiam ante consummatum matrimonium orta) posse, illud planè dissolvare, idque etiam altero conjuge invito: ita Sanchez d. 14. n. 2. d. 15. n. 6. & d. 16. Bonacina p. 11. Filiucius t. 10. c. 2. n. 55. 58. & 59.

Ratio conclusionis est, quia multi Pontifices in eo dispenſarunt, ut Martinus V. Eugenius IV. Paulus III. Pius IV. & Gregorius XIII. ut refert Henriquez l. 11. de Matr. c. 8. n. 11. Et verisimile est Christum talem potestatem, quæ Eccle-

sia ad eadē necessaria est, Vicario suo reliquise. Præterea juxta valde probabilem sententiam potest dispensare in voto solemni religionis quod est vinculum fortius quam Matrimonium ratum, & illud dissolvit.

Quares secundò: An Matrimonium infideliū sit indissolubile? Matrimonium fidelis cum infideli, seu baptizati cum non baptizato, etiam catechumeno est irritum, Matrimonium tamen duorum non baptizatorum non statim dissolvitur ac infidelis ad fidem convertitur. Prima pars constat, nemine vel Theologorum vel Jurispe- ritorum dissentente, ut ait Sanchez l. 7. d. 71. n. 1. Filiucius c. 7. n. 225. Layman c. 14. p. 4. n. 1. & idem est de persona verē baptizata cum baptizato ficte, & de hæretico cum infideli. Ratio est, quia hoc est unum ex impedimentis dirimentibus, nempe disparitus cultus ex receptissimo Ecclesia uta vim legis obtainitum. Unde tum in legi naturali tum scripta, imo olim etiam in evan- gelica hæc Matrimonia erant valida. Ratio se- cunda partis est, quia S. Paulus prime ad Corinth. 7. dat consilium conjugi converso, ut co- habitet cum conjugi infideli, ergo Matrimonium illud est validum. Quare primis sexcentis annis permissa erat hæc cohabitatio ob frequentem Ju- dæorum & aliorum tunc temporis conversionem.

Potest tamen Matrimonium, etiam consum- matum inter infidelem jam conversum & conju- gem manentem in infidelitate dissolvi primò si infidelis nolit cum fideli habitare, vel non sine in- juriā fidei aut creatoris, pertrahendo scilicet ad peccatum, blasphemando nomen Dei, retrahendo familiam à Fide Christi, &c. in quibus casibus licitum est conjugi converso ad alias nuptias transire: ita Sanchez l. 7. d. 78. n. 4. Coninck d. 26. d. 5. n. 58. Bonac. q. 3. p. 7. n. 4. Filiuc. t. 10. p. 2. c. 6. n. 237. Layman t. 10. c. 3. n. 3.

Quod si conjux infidelis cohabitare velit, id Quid si ha-
bitare nolit
infidelis cu
fideli? que sine injuriā Creatoris, Valentia to. 4. d. 10. scabita- re velit. q. 1. p. 3. Navarrus, Toletus, & alii negant si- delēm posse dissolvere Matrimonium propter locum Apostoli. Probabilis tamen est posse: ita Sanchez n. 9. (quamvis contrarium putet esse valde probabile) Bonacina n. 6. Filiuc. n. 239. Layman n. 4. Henriquez l. 11. c. 8. n. 4. Sa verbo Matrimonium n. 8. & alii. Ratio est, quia est nimis gravis servitus fidelis conjugis: deinde infidelis dum converti non vult discedit vir- tualiter, cum habitationem eligat, quæ fideli jam ab Ecclesiâ prohibita est, licet olim fuerit permissa. Unde permisso S. Pauli intelligitur clauso precepto in contrarium.

Admonito itaque conjugi infideli ut termino præscripto (40. dierum e. g. ut Romæ fieri di- citur) convertatur, si intra illud tempus con- verti nolit, vel non cohabitare, aut non sine in- juriā Creatoris, potest fidelis etiam sine sententiā Judicis ad alias nuptias transire, vel etiam ad re- ligionem, & sacros ordines, per quas nuptias & professionem solvitur Matrimonium, non per sacros ordines, in quibus tamen positus reddi uxori postea converso non debet; sibi enim im- putet.

Prolī doli capaci datur optio quem velit pa- rentem secundi, non utens ratione danda est conjugi converso.

Quares tertio: An Matrimonium cum hære- tici sit validum, licitum & indissolubile? Ma- trimonium fidelis cum hæretico est ut plurimum est mortaliter illicitum, tum ob prohibitionem Ecclesiæ,

Ecclesiaz, tum periculum perversoris, est tamen validum & insolubile: ita Sanchez d. 72. n. 4. Layman t. 10. c. 14. n. 2. Filiucus c. 6. n. 228. Bonacina q. 3. p. 7. n. 1. Tan. to. 4. d. 8. q. 4. d. 5. & alii communiter.

*Quid ubi
vivunt ha-
retici mixti
Catholicis.*

Dixi ut plurimum; Sanchez enim Filiucus & Bonacina aiunt in locis ubi permixti vivunt ha-retici cum Catholicis, qui libertate fruuntur, ut in Germania, Gallia, & Polonia, secluso scandalo & perversoris periculo id ex consuetudine licere, quod tamen negat Tannerus, & Laymannus ob gravia qua inde proveniunt incommoda. Sa tamen, Serrarius, & Laymannus aiunt licitum esse, si acatholicus promittat se catholicam fidem post nuptias suscepturn, & causa subiicit cur nuptiae absolucioni ab haereti anteponantur. Eodem etiam gradu quo peccat catholicus contrahens cum haeretico, peccat simi-

liter sacerdos assistens eius Matrimonio.

Quando uterque conjux infidelis convertitur ac baptizatur, & postea signo aliquo externo prius Matrimonium ratificat, fit Sacramentum, & insolubile, sicut fidelium, & si consumment, erit plane indissolubile. Summus Pontifex tamen in consummato infidelium conver-sorum matrimonio dispensare potest, nisi consumment deinde post Baptismum, ut ait Sanchez l. 2. d. 17. Itaque licet contractum prius fuisset cum impedimentis ecclesiasticis, modo non contra legem naturae, ut si Pater filiam, aut frater fororem duxisset, esset validum, ex pluribus autem uxoribus infidelis conversus ducere debet primam, si illa velut converti, haec enim sola est vera uxor; si converti nolit, ducere potest ullam ex reliquis, aut aliam quamcunque feminam.

*Si quis plu-
res habeat
uxores.*

DISPUTATIO CENTESIMA QUARTA.

De impedimentis Matrimonii.

SECTIO PRIMA.

De impedimentis dirimentibus Matrimonium.

L.
*Duplex ge-
nus impedi-
mentorum.*

QUARES primò: Quæ sunt impedimenta Matrimonii, & à quo possint induci? Impedimenta Matrimonii alia sunt impeditia tantum, ne scilicet licet contrahatur, alia impedientia simul & dirimentia, cum quibus nec licet contrahitur, nec validè. Dirimenta numerantur hac duodecim:

*Error, conditio, votum, cognatio, crimen,
Cultus disparitas, vis, ordo, ligamen, honestas.
Si sis affinis, si forte etaire nequibus.*

His Concilium Tridentinum duo alia adjunxit, nempe si parochus & duo saltē testes non adiungit, & raptum mulieris quamdiu non est plenè suæ libertati restituta. Tertium additum est à Gregorio XIII. in Bullâ Ascendente Domino, nempe tria vota simplicia post novitiatum emissa à religiosis Societatis Iesu. De prioris generis impedimentis dicetur postea.

Quoad secundum, spectatâ solâ naturâ rei Principes omnes & magistratus, qui leges ferro possunt, possunt etiam pro suis subditis fidelibus statuere impedimenta dirimentia & impedientia Matrimonium, cum sit contractus humanus: nec per hoc mutatur quod in Sacramentum sit elevatus. Unde de facto hoc possunt Principes tam Christiani, quam Ethnici pro Matrimonii subditorum suorum infidelium.

Ecclesia tamen hanc potestatem circa Matrimonia fidelium Principibus secularibus admetit, ac sibi reservavit, sicut & alias causas matrimoniales; id enim decuit postquam factum est Sacramentum. Per consuetudinem tamen Laico-

rum simul cum Ecclesiasticis possunt haec im-pedimenta auferri, & alia induci: ita Sanchez l. 7. d. 1. 3. & 4. Bonacina q. 3. p. 1. Layman l. 10. p. 4. c. 1. Filiucus t. 10. p. 2. c. 1. Coninck d. 30. d. 1. & alii.

Queres secundò: An, & quomodo error ir-ritet Matrimonium? Error personæ invalidum reddit Matrimonium, non sic error qualitatis, nisi in personam redudet: ita Sanchez l. 7. d. 18. Henriquez l. 11. c. 10. Coninck d. 31. n. 1. Bonacina q. 3. p. 2. Layman t. 10. p. 4. c. 2. Filiu. t. 10. p. 2. c. 2. & alii. Ratio primæ partis est, quia Matrimonium consistere nequit sine con-sensu in personam cum quâ intendit contrahere, qui tamen hic non est in eam cum quâ contrahit, sed in aliam quam mente concipit. Quare nec inter infideles valeret hoc Matrimonium, cùm non ecclesiastico tantum jure, sed etiam naturali sit irictum, ut si putet esse Caiam, & est Sempronius, quod etiam verum est, licet ita animo af-fectus esset, ut licet sciret esse Semproniam, il-lam duceret. Valeret tamen Matrimonium si mente diceret, quemque es contraho tecum.

Secunda pars probatur, quia error qualitatis non tollit consensum in substantiam rei, siveque qualitatibus non reddit Matrimonium simpliciter involunta-rium, sed solam secundum quid, ut si putet esse divitem, aut virginem, quæ non est, idque licet per dolum factum sit dantem causam contractui, seu sine quo non fuisset celebratum Matrimo-nium, in quo differt Matrimonium ab aliis contractibus. Si tamen qualitas apponatur per modum conditionis, Matrimonium illâ non subsi-stante est nullum, cum sit honesta, ut suppo-nimus.

Tertia etiam pars probatur; si enim error qua-litatis redudet in personam, non præbet con-sensum huic personæ in particulari præsenti, sed in alteri quam per tales qualitates descriptam mente concipit,

II.
*Error per-
sonæ & qua-
litatis*

*Error per-
sonæ diri-
mit.*

*Error per-
sonæ diri-
mit.*

*Quinam
instituere
possint.*

*Hoc modo
Ecclesia re-
seruat sibi.*